

საბარეჯოს მუნიციპალიტეტის საინფორმაციო ბაზეთი №4(234) 2021 წ. 16-28 თებერვალი ფასი 1 ლარი

საქართველოს დემოკრატიული რესპუბლიკის

კონსტიტუცია 100 წლისაა

კონსტიტუცია ეყრდნობა 1918 წლის 26 მაისს მიღებულ საქართველოს დამოუკიდებლობის აქტის პრინციპებს

საქართველოს დემოკრატიული რესპუბლიკის კონსტიტუცია, იმდროინდელი მსოფლიო მასშტაბით პროგრესულად აღიარებული დოკუმენტი, 17 თავისა და 149 მუხლისაგან შედგება. ქვეყნის ძირითადი კანონით პოლიტიკურ წყობად განისაზღვრა დემოკრატიული რესპუბლიკა. კონსტიტუციით გარანტირებული იყო ქალთა, რელიგიურ და ეთნიკურ უმცირესობათა უფლებები; გაუქმდა სიკვდილით დასჯა.

საქართველოს საკონსტიტუციო კომისიის პირველი შეკრება 1918 წლის 7 ივნისს გაიმართა. კომისიის თავმჯდომარედ აირჩიეს სერგი ჯაფარიძე, კომისიის მდივნად კი - პავლე საყვარელიძე. მრავალპარტიული კომისიის შემადგენლობაში იყვნენ: რაქვინი არსენიძე, ნოე ჟორდანიას ძე, ივანე ჩერქეზიშვილი, გრიგოლ რცხილაძე, სამსონ დადიანი, გიორგი გვახავა, კონსტანტინე მაყაშვილი. ზუსტად ერთი თვის შემდეგ კომისიის რამდენიმე წევრი ახალი წევრით ჩაანაცვლეს: ლეო ნათაძე (ნოე ჟორდანიას ნაცვლად), მარიამ ჩხეიძე (ივანე ჩერქეზიშვილის ნაცვლად), ალექსანდრე წერეთელი (გრიგოლ რცხილაძის ნაცვლად), გერონტი ქიქოძე და სირიღონ კეღია (გიორგი გვახავას ნაცვლად).

დამფუძნებელი კრების არჩევის შემდეგ, 1919 წლის მარტში, შეიქმნა თხუთმეტი წევრი-საგან შემდგარი ახალი საკონსტიტუციო კომისია, რომელმაც მანამდე არსებული კომისიის მასალები გადაიხარა და მუშაობა განაგრძო. კომისიის წევრთა შემადგენლობა რამდენჯერმე შეიცვალა. მას ჯერ - რაქვინი არსენიძე, ხოლო მოგვიანებით პავლე საყვარელიძე ხელმძღვანელობდა.

კონსტიტუციის პროექტი სრული სახით 1920 წლის მაისში დაიბეჭდა და განსახილველად დამფუძნებელი კრების წევრებს დაურიგდათ. პროექტის განხილვას კრების მრავალი სხდომა მიეძღვნა. საბოლოოდ, 1921 წლის 21 თებერვალს თბილისში გამართულ სხდომაზე საქართველოს დამფუძნებელმა კრებამ საქართველოს პირველი კონსტიტუცია მიიღო. სწორედ იმ დროს ქართული შეიარაღებული ძალები რუსულ არმიას თბილისის მისადგომებთან ებრძოდა.

კონსტიტუცია 1921 წლის მარტში ბათუმში, ნესტორ ხვინგაის სტამბაში.

ახალი კანონპროექტის მისაღებად

ქარსაფარი ზოლების გასაშენებლად

საქართველოს პარლამენტის აგრარულ საკითხთა კომიტეტის თავმჯდომარე ნინო ვილოსანაძე კომიტეტის სხვა წევრებთან და საგარეჯოს მუნიციპალიტეტის მერ გიორგი ერბოლონაშვილთან ერთად სოფელ გიორგიწმინდაში დაავიტოვეს ბუნნიკაშვილის ფერმერული მეურნეობა ადგილზე დაათვალიერა.

მეურნეობა 150 ჰა-ზე გაშენებული და ძირითადად კაკლოვან კულტურებს მოიცავს. დაავიტოვეს თავდაპირველად პროგრამის ფარგლებში - "დანერგე მომავალი", ნერგების შესამუშავებლად 70%-ანი დაფინანსება მიიღო. გარდა ამისა, მან გარემოს გლობალური ფონდის მიერ დაფინანსებული სოფლის მეურნეობის სამინისტროს პროექტით მეურნეობის გარშემო 5 ჰა-ზე ქარსაფარი ზოლი გააშენა (REC Caucasus დახმარებით). ასე სულ ჯამში, 12 კილომეტრიანი ქარსაფარი ზოლი აქვს მოწყობილი.

"ქარსაფარი (მინდორდაცვითი) ზოლის შესახებ" კანონპროექტი, რომელსაც უახლოეს კვირებში აგრარულ საკითხთა კომიტეტი დააინიცირებს, სხვა ფერმერებსაც წაახალისებს არამარტო დაიცვან, არამედ გააშენონ ქარსაფარები.

- რაც მთავარია სახელმწიფო პოლიტიკაში განხედება ქარსაფარების ინვენტარიზაციისა და გაშენების ვალდებულება - განაცხადა შეხვედრაზე ქალბატონმა ნინო ვილოსანაძემ.



დანიშვნა

კახეთის მხარეს ახალი სახელმწიფო რწმუნებული პაპიაშვილი



კახეთის მხარეში სახელმწიფო რწმუნებულად, ირაკლი შიოშვილი დაინიშნა.

ირაკლი შიოშვილი, კახეთის სამხარეო ადმინისტრაციაში, 2016 წელს, გუბერნატორის პირველ მოადგილედ დაინიშნა, ხოლო 2020 წლის აგვისტოდან კახეთში სახელმწიფო რწმუნებულის მოვალეობას ასრულებდა.

შიოშვილის დამთავრებული აქვს საქართველოს პოლიტექნიკური ინსტიტუტი ინჟინერის სპეციალობით; თბილისის დამოუკიდებელი უნივერსიტეტი „აღმაშენებელი“ იურისტის განათლებით; 2004 წელს კი სამეცნიერო აკადემიური ხარისხი მიიღო. საქართველოს გარდა, მან 2009 წელს მიხეილის შტატის საერთაშორისო ბიზნეს აკადემიაც დაამთავრა. 2007 წელს გახდა ამერიკის შეერთებული შტატების ქიმიკოსთა ასოციაციის წევრი, ხოლო 2009 წელს სამხედრო საინჟინრო ასოციაციის წევრი.

მისი სამუშაო გამოცდილება 16 სამსახურს ითვლის, მათ შორის იყო ლოს-ანჯელესის ბიზნეს ცენტრში, საბანკო საქმის მენეჯერი; თავდაცვის სამინისტროს საკომენდანტო 23-ე ბრიგადის ასეულის მეთაური; . შ.პ.ს. „ქართული ლიმონათის“ გენერალური დირექტორი; პირველი ციფრული მრავალარხიანი ტელევიზია „global TV“-გენერალური დირექტორი; შ.პ.ს. „მობიტელი“ (ბილინი) კახეთის რეგიონალური ფილიალის დირექტორი; ს.ს. „დავით სარაჯიშვილი და ენისელი“, აღმასრულებელი დირექტორი; ამერიკის შეერთებული შტატები, კორპორაცია „ & “ გაყიდვების მენეჯერი და სხვა. ირაკლი შიოშვილის არის საქართველოს ტერიტორიული მთლიანობისთვის ომის მონაწილე. ომისა და სამხედრო ძალების ვეტერანი. ის სამხედრო წოდებით მაიორია. ირაკლი შიოშვილს მეუღლე და ერთი შვილი ჰყავს.

საბარეჯოს მუნიციპალიტეტის მერის მოადგილე ბიორგი ლალიაშვილი

დაიბადა 1971 წელს

განათლება - სამართალმცოდნეობის მაგისტრი:

- 1993 წელს დაამთავრა თბილისის ივ. ჯავახიშვილის სახელობის სახელმწიფო უნივერსიტეტის იურიდიული ფაკულტეტი;
- უცხოელი ექსპერტების ხელმძღვანელობით გაიარა სპეციალური მომზადება კორუფციისა და თანამდებობრივი დანაშაულის წინააღმდეგ სისხლისსამართლებრივი დევნის მიმართულებით;
- მონაწილეობას იღებდა საქართველოს სისხლის სამართლის საპროცესო კოდექსის და საგამომიგრო ორგანოებში რეფორმის მომზადებელი კომისიის მუშაობაში;
- კითხულობდა ლექციების კურსს სისხლის სამართალში უნივერსიტეტის დმანისის ფილიალში.
- 1993-1994 წლები. ქ. თბილისის პროკურატურა, სტაჟიორი;
- 1994-1999 წლები. ქ. თბილისის პროკურატურა, გამომძიებელი;
- 1999 - 2000 წლები. კახეთის საოლქო პროკურატურის საგამომიგრო სამმართველოს უფროსი;
- 2000 - 2005 წლები. საგარეჯოს რაიონის პროკურორი;
- 2006-2008 წლები. თავდაცვის სამინისტროს სამხედრო პოლიციის დეპარტამენტის უფროსი გამომძიებელი, შემდგომში რეგიონული სამმართველოს უფროსის მოადგილე;
- 2008-2016 წლები. სააქციო საზოგადოება „ენერჯი ინვესტის“ უსაფრთხოების სამსახურის უფროსი;
- 2017-2020 წლები. სააქციო საზოგადოება „რუსთავის აზოტი“, სამსახურის უფროსი; ოჯახური მდგომარეობა - ჰყავს მეუღლე და სამი შვილი.



# მუნიციპალური ბზერდი

## ქართული ღვინის ხარისხის გაუმჯობესების მიზნით



**შეხვედრას,** რომელიც ჩვენი მუნიციპალიტეტის მერიაში შედგა, ესწრებოდნენ: სსიპ ღვინის ეროვნული სააგენტოს წარმომადგენლები, კახეთის სამხარეო ადმინისტრაციის ადგილობრივი თვითმმართველობის ორგანოებთან ურთიერთობის სამსახურის უფროსი - ბენედიქტე გვაგაჭკორი, საგარეჯოს მუნიციპალიტეტის მერის მოადგილე - გიორგი ლალიაშვილი, მერის წარმომადგენლები და დეპუტატები ადმინისტრაციულ ერთეულებში.

ახალი რეგულაციების თანახმად, „როველი 2021-ის“ ფარგლებში ყურძნის ხარისხის კონტროლი მკაცრდება.

ჩასაბარებელი ყურძნის შექვიანობა, რომელიც შესაბამისი ნორმატიული დოკუმენტით არის დადგენილი, განსაზღვრავს ყურძნის ხარისხს, რაც შემდგომ მის საბაზრო დირექტორებს აისახება. გარდა ამისა, კონტროლი განხორციელდება ადგილწარმოშობის ჯიშების სპეციფიკაციებით განსაზღვრულ მოსავლიანობის ლიმიტზე.

შეხვედრაზე აღინიშნა, რომ ქართული ღვინის ხარისხის გაუმჯობესების მიმართულებით დაგეგმილი ღონისძიებების შესახებ ინფორმაცია დროულად უნდა იყოს მიტანილი მევენახე ფერმერებამდე. ამ მიმართულებით აქტიურად იმუშავენ სამინისტროს საინფორმაციო-საკონსულტაციო სამსახურები, რომლებიც ღვინის ეროვნული სააგენტოს წარმომადგენლებთან ერთად რეგიონებში ადგილობრივი ხელისუფლების წარმომადგენლებთან და ფერმერებთან შეხვედრებს გამართავენ. გარდა ამისა, მიმდინარე წელს იგეგმება ვენახების კლასტრის პროგრამის დასრულება კახეთისა და რაჭა-ლეჩხუმის რეგიონებში, რაც მნიშვნელოვანია მევენახეობა-მეღვინეობის დარგის განვითარების და ხარისხიანი ღვინის წარმოებისათვის.

## ჩვენს მუნიციპალიტეტში მოსახლეობის აზრის გათვალისწინებით კრიორიტეტების გამოსაკვლენად

**15 თებერვლიდან,** საგარეჯოს მუნიციპალიტეტში, „სოფლის მხარდაჭერის“ პროგრამის ფარგლებში, პრიორიტეტების გამოვლენის მიზნით, მოსახლეობასთან შეხვედრები დაიწყო. საგარეჯოს მუნიციპალიტეტის მერი - გიორგი ერბოჭონაშვილი, ადგილობრივი თვითმმართველობის წარმომადგენლებთან ერთად პირველ დღეს სოფელ მანავს, ბურდიანის დასახლებასა და თოხლიაურს ესტუმრა.

მანავის მოსახლეობამ ბატონ მერს მადლობა გადაუხადა ციხესთან მისახველელი გზის პროექტისა და ბურდიანის დასახლებაში ახალი ჭაბურღლის მოწყობისთვის.

გიორგი ერბოჭონაშვილმა დამსწრეებს, აღნიშნულ სოფლებში მიმდინარე წელს დაგეგმილი პროექტების შესახებ ინფორმაცია მიაწოდა, სოფლის მოსახლეობისგან გადერეხული საჭიროებები და მოსახრებები მოისმინა.



დასახლებული მე-8 ბზერდზე

## იწმინდება გზები

**ინტენსიური** თოვის გამო, საგარეჯოს მუნიციპალიტეტის მაღალმთიან სოფლებში: გომბორსა და მის მიმდებარედ, ადგილობრივი მოსახლეობისა და მეზობელ უსაფრთხოების მიზნით, გზის გაწმენდითი სამუშაოები აქტიურად მიმდინარეობს.

## საუკეთესო პირობებში ქალაქ საბარეჯოში საბანბეპო სიტუაციების კოორდინაციისა და გადაუდებელი დახმარების ცენტრის ახალი შენობა გაიხსნა



**საბარეჯოში** გადაუდებელი დახმარების ცენტრის მედპერსონალი მუშაობას ახალ სამუშაო გარემოში გააგრძელებს. საერთაშორისო სტანდარტების შესაბამისი ცენტრი სასწრაფო სამედიცინო დახმარების სპეციფიკის გათვალისწინებითაა დაპროექტებული და ადგილზე პერსონალისთვის სამუშაო და მოსახვედრებელი ყველა პირობაა შექმნილი. პროექტი გადაუდებელი სამედიცინო დახმარების სერვისის გაუმჯობესებას ისახავს მიზნად. სასწრაფო სამედიცინო დახმარების ცენტრების მშენებლობის პროექტს რეგიონული განვითარებისა და ინფრასტრუქტურის სამინისტრო ადგილობრივი თვითმმართველობის ორგანოებთან ერთად ახორციელებს.

ადმინისტრაციული შენობა, ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის მოადგილე გიორგი წოჭკოლაურმა, საგანგებო სიტუაციების კოორდინაციისა და გადაუდებელი დახმარების ცენტრის დირექტორმა ალექსანდრე კლანდიაშვილმა, კახეთის რეგიონში სახელმწიფო რწმუნებულ ირაკლი შიოშვილთან და საგარეჯოს მერ გიორგი ერბოჭონაშვილთან და მის მოადგილეებთან ალექსი გილაშვილთან და გიორგი ლალიაშვილთან ერთად მოინახულა.



# სოფლის მეურნეობა მოსახლეობის საყურადღებოდ!

## სახელმწიფო რეზერვის ფარგლებში მიწის რეგისტრაციის შემდგომი ეტაპი ბრძელდება

**საბარჯოს** მუნიციპალიტეტის 10 ადმინისტრაციულ ერთეულში, მიწის სისტემური რეგისტრაციის საკადასტრო სამუშაოების მონაცემები საჯაროდ გამოქვეყნდა საჯარო რეესტრის ქონების ცენტრალიზებული დეპარტამენტის 2020 წლის 4 ნოემბრის №429856 გადაწყვეტილების საფუძველზე.

ადგილობრივ მოსახლეობას, შესაძლებლობა აქვს ქალაქ საგარეჯოს, ნინოწმინდას, წყაროსთავის, გიორგიწმინდას, ყანდაურას, შიბლიანის, იორმულანლოს, ლამბალოს, თულარისა და დუზაგრამას ადმინისტრაციულ ერთეულებში, ქვემო სამგორის სარწყავი არხების მიმდებარე არსებულ მიწის ნაკვეთებზე, პროექტის ფარგლებში ჩატარებული საკადასტრო სამუშაოების შედეგებს, სარეგისტრაციო დოკუმენტაციას, აზომილი ნაკვეთების შესახებ ინფორმაციასა და საკადასტრო რუკებს მუნიციპალიტეტების ადმინისტრაციულ შენობებში გაეცნონ.

საკადასტრო რუკების სანახავად გთავაზობთ ნახოთ ბმული: ქალაქ საგარეჯოს, ნინოწმინდას, წყაროსთავის, გიორგიწმინდას, ყანდაურას, შიბლიანის, იორმულანლოს, ლამბალოს, თულარის და დუზაგრამას ადმინისტრაციული ერთეულების რუკები : <https://drive.google.com/>

იმ შემთხვევაში, თუკი არ ეთანხმებით საკადასტრო აღწერის (მიწის აზომვის) შედეგებს, გთხოვთ, ეწვიოთ ბმულს : <https://napr.gov.ge/publishing>

დამატებითი კითხვების შემთხვევაში, დარეკეთ ცხელ ხაზზე : + (995 32) 2 405 405.

შეგახსენებთ, რომ საგარეჯოს მუნიციპალიტეტი ერთ-ერთია იმ ხუთი დასახლებიდან, რომელიც საქართველოს მთავრობის 2020 წლის 25 ივნისის №1085 განკარგულების საფუძველზე, მიწის ნაკვეთებზე უფლებათა სისტემური რეგისტრაციის განსახორციელებლად შეირჩა. საჯარო რეესტრის ეროვნული სააგენტო მსოფლიო ბანკის დაფინანსებით სისტემური რეგისტრაციის პროექტი კახეთში, შიდა ქართლსა და ქვემო ქართლში, 5 მუნიციპალიტეტის 28 ადმინისტრაციულ ერთეულში განახორციელებს. კერძოდ:

საპილოტო პროექტით უფასოდაა გათვალისწინებული მიწის რეგისტრაცია და რეგისტრაციისთვის საჭირო ყველა მომსახურება: უფლების დამადასტურებელი დოკუმენტების მოძიება და აღრიცხვა, საკადასტრო აზომვითი ნახაზის მომზადება, საკადასტრო მონაცემების ცვლილება, საკადასტრო აზომვითი ნახაზის გარეშე რეგისტრირებული მიწის ნაკვეთის დაზუსტება, ნოტარიუსის მიერ მხარეთა ხელმოწერის დამოწმება, მედიაცია, თვითნებურად დაკავებულ მიწის ნაკვეთზე საკუთრების უფლების აღიარება.

საპილოტო პროექტის განხორციელების შედეგად, მიწის სისტემური რეგისტრაციის ეროვნული სტრატეგია შემუშავდება, რომელიც სახელმწიფოს სასოფლო-სამეურნეო მიწების პირველადი რეგისტრაციის დასრულებასა და სარეგისტრაციო და საკადასტრო ბაზის სრულყოფაში დაეხმარება.

სისტემური რეგისტრაციების წინა მოსამზადებელი სამუშაოები ნაკვეთებისა და მესაკუთრების იდენტიფიკაციას, უფლების დამდგენი დოკუმენტების მოძიებას, არსებული პრობლემების ანალიზს, საკადასტრო აზომვით სამუშაოებს და ა.შ. ითვალისწინებს.

საპილოტო პროექტის ფარგლებში რეგისტრაცია არ ხელდავს მოქალაქეებს ინდივიდუალურად, განცხადებით მიმართონ საჯარო რეესტრს და ნაკვეთები თავად დაირეგისტრირონ.

### დაირეგისტრირე მიწა მარტივად და ბასი მისაპოთრე!

რუკები გამოქვეყნებულია ნინოწმინდაში, მერის წარმომადგენლის შენობაში, გიორგიწმინდაში მერის წარმომადგენლის შენობაში, იორმულანლოს საზოგადოებრივ ცენტრში, ქალაქ საგარეჯოში გამგებობის ძველ შენობაში რუკების ნახვა ელექტრონულად შესაძლებელია

საჯარო რეესტრის ქონების რეგისტრაციის დეპარტამენტის მიერ მიღებულ გადაწყვეტილებას საჯარო გამოცხადების შესახებ, ასევე ბმულს, საიდანაც შესაძლებელია განაცხადების წარმოდგენა ელექტრონულად <https://napr.gov.ge/publishing>

## პროგრამა ბრძელდება ფერმერების დასახმარებლად

**ფერმერების** აგროდიზელით მხარდაჭერის პროგრამა 2021 წელსაც გრძელდება. ფერმერები დიზელის საწვავს მნიშვნელოვნად დაბალ ფასად მიიღებენ.

პროგრამაში რეგისტრაცია დაიწყო პირველი თებერვლიდან, ხოლო ფასდაკლების ბარათების გააქტიურება 7 თებერვლიდან ეტაპობრივად განხორციელდება.

ფერმერებს ფასდაკლებით სარგებლობა უკვე ელექტრონულადაც შეუძლიათ და ბენზინგასამართ სადგურებზე დაბეჭდილი დოკუმენტის წარდგენა აღარ მოუწევთ.

საწვავზე ფასდაკლების დასტური გაიცემა დისტანციურად, ვებგვერდის <https://my.mepa.gov.ge> საშუალებით. ფერმერებს ასევე შეეძლებათ ბარათები სოფლის განვითარების სააგენტოს რეგიონულ სამსახურებშიც მიიღონ.

ფერმერებისათვის შედავითიანი პირობებით საწვავის მიწოდებასთან დაკავშირებით, დღეს, გარემოს დაცვისა და სოფლის მეურნეობის სამინისტროსა და კომპანია „სოკარ ჯორჯია პეტროლიუმს“ შორის მემორანდუმი გაფორმდა.

სოფლის მეურნეობის მიმართულებით, ანტიკრიზისული გეგმის - „ზრუნვა სოფელზე და ფერმერზე“ ფარგლებში, 2020 წელს აგროდიზელის პროგრამა წარმატებით განხორციელდა. ფასდაკლებით ისარგებლა 125 ათასმა ფერმერმა და მათ 7 მილიონ ლარზე მეტი შედავითი მიიღეს.

აგროდიზელის შედავითიან ფასად მიღებას კვლავ შეძლებენ სასოფლო-სამეურნეო მიწის ნაკვეთის მფლობელი ის ფიზიკური და იურიდიული პირები, რომელთაც აქვთ საჯარო რეესტრის ეროვნულ სააგენტოში საკუთრებად რეგისტრირებული არანაკლებ 0.25 ჰა-სა სასოფლო-სამეურნეო დანიშნულების მიწის ნაკვეთი, გარდა საძოვრისა, ან ის პირები, რომლებიც მოახდენენ სასოფლო-სამეურნეო დანიშნულების მიწის ნაკვეთების პირველად რეგისტრაციას და დაზუსტებას.

პროგრამით მოსარგებლე ფერმერებისთვის გათვალისწინებულია 1 ჰექტარზე 150 ლიტრის, ხოლო 100 ჰა-ზე მეტი სასოფლო-სამეურნეო დანიშნულების მიწის ნაკვეთზე არა უმეტეს 15 000 ლიტრის ოდენობით საწვავის ფასდაკლების ბარათების გაცემა.

პროგრამით მოსარგებლე ფერმერებს შესაძლებლობა ექნებათ დიზელის საწვავი მიმდინარე წლის განმავლობაში, ყოველთვიურად, კონსოლიდირებულ ტენდერში დაფიქსირებულ ფასზე 20 თეთრით იაფად შეისყიდონ კომპანია „სოკარ ჯორჯია პეტროლიუმის“ საბითუმო ბაზებიდან, ხოლო აგროგასამართ სადგურებიდან - 16 თეთრის ფასდაკლებით.

მთელი ქვეყნის მასშტაბით დიზელის შეუფერხებლად გაცემა მოხდება დადგენილი გრაფიკის მიხედვით, კერძოდ - 1 თებერვლიდან 31 მარტის ჩათვლით. გაიცემა არაუმეტეს 2 000 ლიტრი საწვავი, 1 აპრილიდან 30 აპრილის ჩათვლით - დამატებით 1 500 ლიტრი, ხოლო 1 მაისიდან 31 დეკემბრის ჩათვლით - დარჩენილი რაოდენობა.

## სოფლის ბანკითარების სააბენტოს მხარდაჭერით ქალაქ საბარჯოში ახალი სამაცივრო მეურნეობა აშენდა

**საბარჯოს** მუნიციპალიტეტში

ახალი სამაცივრო მეურნეობა სახელმწიფოს ფინანსური მხარდაჭერით შეიქმნა. შპს „სომა მაცივარი“ თანამედროვე სტანდარტებით აღჭურვილი საწარმოა, სადაც ჯამურად, 578,000 ლარის ინვესტიცია განხორციელდა, მათ შორის, სოფლის განვითარების სააგენტოს თანადაფინანსება 231,200 ლარია, 289,000 ლარი - შედავითიანი აგროკრედიტი. სამაცივრო მეურნეობაში 500 ტონა ხილისა და ბოსტნეულის შენახვაა შესაძლებელი; პროდუქციის რეალიზაცია ადგილობრივ ბაზარზე ხორციელდება. საწარმოში 30-მდე ადგილობრივია დასაქმებული.



სოფლის განვითარების სააგენტოს დირექტორი ილია თამარაშვილი საქართველოს პარლამენტის მაჟორიტარ დეპუტატთან, დავით სონღულაშვილთან, კახეთის მხარის რწმუნებულის მოადგილესთან - გივი მეტრეველთან და საგარეჯოს მუნიციპალიტეტის მერის მოადგილესთან - ალექსი გილაშვილთან და გიორგი ლალიაშვილთან ერთად, ახლადგახსნილ საწარმოში იმყოფებოდა.

„სოფლის განვითარების სააგენტოსთვის პრიორიტეტია აღნიშნული ტიპის ინფრასტრუქტურის შექმნა. აგრარული წარმოების ღირებულებათა ჯაჭვში, უმნიშვნელოვანესია მოსავლის დროული დასაწყობება და შესაბამის პირობებში შენახვა. სახელმწიფოს მხრიდან, მომავალშიც არაერთი მსგავსი ტიპის პროექტი იქნება მხარდაჭერილი“, - განაცხადა სოფლის განვითარების სააგენტოს დირექტორმა ილია თამარაშვილმა.

მაჟორიტარი დეპუტატის დავით სონღულაშვილის განცხადებით, ასეთი ტიპის მეურნეობები ქმნის შესაძლებლობას კიდევ უფრო მეტი ღირებულება შეიქმნას, კიდევ უფრო მეტი ადამიანი დასაქმდეს და მეტი იმპორტირებული პროდუქტი ჩანაცვლდეს ადგილობრივით.

აღსანიშნავია, რომ სოფლის განვითარების სააგენტოს საგრანტო პროგრამების ფარგლებში, მხარდაჭერილია 50-მდე სამაცივრო და შენახვითი მეურნეობა, მათი დაფინანსება კი, ჯამურად, 23 მლნ ლარს აღემატება.

შედავითიანი აგროკრედიტის პროექტის ფარგლებში შექმნილი და სამაცივრო ინფრასტრუქტურის განვითარებისთვის ჯამში გაცემულია 154 მლნ ლარზე მეტი ღირებულების ათასზე მეტი სესხი, სააგენტოს გაცემული თანადაფინანსება 24 მლნ ლარს აჭარბებს.

სოფლის განვითარების სააგენტო ახორციელებს სოფლის მეურნეობის ღირებულებათა ჯაჭვის ყველა კომპონენტის მხარდაჭერ პროგრამებს. სოფლის განვითარების სააგენტო არის გზამკვლევი ფერმერებისა და სოფლად მაცხოვრებლებისათვის, რომ სოფლად საქმიანობა წარმატებულად განავითარონ.







# ინფრასტრუქტურა-2021

## ბზა, რომელიც აღბილობრივებს სიკეთეს მოუტანს მანავის ციხესთან მისასვლელი გზის მოწყოლა დასკვნით ეტაპზეა

**პროექტი** საპილოტე რეგიონების ინტეგრირებული განვითარების პროგრამის ფარგლებში ხორციელდება, რომლის მიზანია ინფრასტრუქტურის მოწყოლა ადგილობრივი ბიზნესის განვითარებისთვის. სამუშაოებს კომპანია „დინ გრუპი“ აწარმოებს. პროექტის ღირებულება 1260 000 ლარია, რომელიც როგორც ადგილობრივი ბიუჯეტიდან, ასევე საგრანტო თანხით არის დაფინანსებული. 1 664 მეტრი სიგრძის გზის მონაკვეთით 80 ამდე ოჯახი ისრებლებს.



## პრობლემა, რომელიც საუკუნეებს ითვლის

**საბარჯლოს** მუნიციპალიტეტის სოფლების - ყანდაურასა და ბადიაურის უწყვეტი წყალმომარაგებისთვის საჭირო საპროექტო და სამშენებლო სამუშაოებზე წყალმომარაგების კომპანიამ ტენდერი გამოაცხადა. მასშტაბური პროექტის განსახორციელებლად მსურველების წინადადებების წარდგენა 9 დეკემბრის დასრულდა. მიმდინარეობს ხელშეკრულების მომზადება გამარჯვებულ კომპანიასთან. სამუშაოების სავარაუდო ღირებულება 14 მილიონ ლარზე მეტია. დღეის მდგომარეობით, სოფელ ყანდაურასა და ბადიაურში არ არსებობს ცენტრალიზებული წყალმომარაგების სისტემა. სოფელ ყანდაურაში, მოსახლეობა წყალს წყაროებიდან და კერძო ჭაბურღილებიდან იღებს. ორი სოფლის მოსახლეობის უწყვეტი წყალმომარაგებისთვის მოეწყო სადგური, რეზერვუარები, მაგისტრალური მილი, წყალმომარაგების ქსელი და გამრიცხველი-ანდება მოსახლეობა. ტენდერში გამარჯვებულმა კომპანიამ, სამუშაოები 32 თვეში უნდა დაასრულოს. შედეგად, ორი სოფლის 2 600 მაცხოვრებელს სტაბილური წყალმომარაგება ექნება.



## ამ მომავალი ფალავნები გაიზრდებიან

**სოფელ** გომბორში საჭიდაო დარბაზის სარეაბილიტაციო სამუშაოები აქტიურად მიმდინარეობს. პროექტი რეგიონალური განვითარების ფონდიდან ფინანსდება და მისი სახელშეკრულებო ღირებულება 152 000 ლარს შეადგენს. სამუშაოებს ტენდერში გამარჯვებული კომპანია- შპს “ამ-ჯორჯია” ასრულებს.



## სტაბილური წყალმომარაგებისათვის


**საბარჯლოს** მუნიციპალიტეტის სოფელ პატარძეულის წყალმომარაგების სისტემის საპროექტო-სამშენებლო სამუშაოების შესახებ, გაერთიანებული წყალმომარაგების კომპანიის მიერ გამოცხადებული ელექტრონული ტენდერის შედეგად, გამარჯვებულ კომპანიასთან 2020 წლის 16 დეკემბერს გაფორმდა მომსახურების ხელშეკრულება, რაც ითვალისწინებს გარდამავალი ეტაპის სამუშაოებს კერძოდ, კონტრაქტორი კომპანიის-შპს “ნიუ ქონსტრაქშენს ტექნოჯი“-ის მიერ 2021 წლის 17 აგვისტომდე უნდა განხორციელდეს საკვლევი-საძიებო სამუშაოებისა და დეტალური საპროექტო ხარჯთაღრიცხვისა და ექსპერტიზის დასკვნის მომზადება. შემდგომი ეტაპი სამუშაოების წარმოებაა, რომელიც 2023 წლის შემოდგომამდე დასრულდება. დაგეგმილი სამუშაოების ფარგლებში მოეწყოა წყალმომარაგების ქსელი, მაგისტრალური მილსადენი, წყლის სათავე-ნაგებობა, სატუმბო სადგური, რეზერვუარი და დაგეგმილია მოსახლეობის ინდივიდუალური გამრიცხველიანება. პროექტის ჯამური ღირებულება 8 775 00 ლარია. პროექტის დასრულების შემდგომ, ადგილობრივ მოსახლეობას ათწლეულების განმავლობაში არსებული პრობლემა მოუგვარდება და 3000 ადამიანი სტაბილური წყალმომარაგებით ისარგებლებს.

## მობვარდება სახელი წყლის პრობლემა

## კეთილმოწყობილი ეზოები

**ქალაქ** საგარეჯოში, კახეთის გზატკეცილზე მდებარე მრავალბინიანი საცხოვრებელი სახლების ეზოების მოასფალტება-მოწყობის სამუშაოები დაიწყო.

**სოფელ** კახლარში, წყალმომარაგების სისტემის მოწყობის სამუშაოები აქტიურად მიმდინარეობს. პროექტს ტენდერში გამარჯვებული კომპანია - შპს “კაპიტალი” ასრულებს და მისი სახელშეკრულებო ღირებულება 714 698 ლარს შეადგენს. მაგისტრალური წყალსადენის, გამანაწილებელი მილსადენებისა და რეზერვუარის მშენებლობის სამუშაოები მიმდინარე წლის შემოდგომით დასრულდება.





# ჩვენს მუნიციპალიტეტში მოსახლეობის აზრის გათვალისწინებით პრიორიტეტების გამოსავლენად

დასასრული

სოფლის მხარდაჭერის პროგრამის ფარგლებში, პრიორიტეტების გამოვლენის მიზნით, მოსახლეობასთან შეხვედრები გრძელდება. საგარეჯოს მუნიციპალიტეტის მერი-გიორგი ერბოჭონაშვილი, მის მოადგილე-გიორგი ლალიაშვილთან და საკრებულოს თავჯდომარის მოადგილე - დედა მარიდაშვილთან ერთად სოფელ ნინოწმინდისა და წყაროსთავის მოსახლეობას შეხვდა. შეხვედრა კითხვა-პასუხის რეჟიმში წარიმართა. ადგილობრივი ხელისუფლების წარმომადგენლებმა, აღნიშნულ სოფლებში დამსწრეებს მიმდინარე წელს დაგეგმილი პროექტები გააცნეს და მათი საჭიროებები მოისმინეს.

სოფელ ნინოწმინდაში, მოსახლეობის უმრავლესობამ პრიორიტეტად სატრენაურო სივრცისა და გარე განათების მოწყობა დაასახელა. ხოლო წყაროსთავში-გასართობი და მოსასვენებელი სკვერის მოწყობა.



\* \* \*

საგარეჯოს მუნიციპალიტეტის მერის პირველი მოადგილე-ალექსი გილაშვილი საკრებულოს თავჯდომარის მოადგილე - დედა მარიდაშვილთან და ადგილობრივი თვითმმართველობის სხვა წარმომადგენლებთან ერთად სოფელ უდაბნოს, სათაფლეს, გიორგიწმინდისა და ანთოკმარიაჯურის მოსახლეობას შეხვდა. შეხვედრაზე სოფლის მოსახლეობის წარმომადგენლებმა იმ პრობლემებსა და საჭიროებებზე ისაუბრეს, რომელთა მოგვარებაც პროგრამა „სოფლის მხარდაჭერის“ დაფინანსებითაა შესაძლებელი.



რედაქტორი:  
თინათინ ილაური



„გარეჯის მაცნე“ გამომცემელი შპს „გარეჯის მაცნე“  
გაზეთი რეგისტრირებულია სსიპ „საჯარო რეესტრში“ სარეგისტრაციო ნომერი 281366; საიდენტ. კოდი 438107460. ტირაჟი – 300  
რედაქციის მისამართი: ქ. საგარეჯო,  
დ. აღმაშენებლის ქ. № 15,  
გაზეთი აიწყო და დაკაბადონდა შ.პ.ს. „გარეჯის მაცნეში“  
დაიბეჭდა თბილისში, გამომცემლობა „კოლორ-პრესში“.  
ტელეფონი: 599 851 143  
ელ. ფოსტა: garejismacne11@gmail.com; gareji2011@mail.ru